

1767

SANCTISSIMI IN CHRISTO PATRIS
ET DOMINI NOSTRI DOMINI

C L E M E N T I S

DIVINA PROVIDENTIA

P A P Æ XIII.

L I T T E R Æ

Ad perpetuam rei memoriam


De Pueris Alimentariis, Subditis jurisdictioni Abbatia
S. RUFILLI Oppidi Fori Pompilii
Nullius Dioecesis,

In aliquo Seminario Ecclesiastico instituendis.

Istituto Campana Osimo ®



R O M Æ MDCCLXVII.



Ex Typographia Reverendæ Camerae Apostolicæ.

M. 2. h

SANCTISSIMI IN CHRISTO PATRIS
ET DOMINI NOSTRI DOMINI

CLEMENS

DIVINA PROVIDENTIA

P A P A XIII.

ALBERTUS

Ad perpetuam rei memoriam


De Pueris Alimentariis, Subditiis jurisdictioni Abbatis
S. RUFILLI Opidi Fori Pompilii
Nullius Diocesis

In aliquo Seminario Ecclesiastico instituendis.

ROMAE MDCCLXXVII

Ex Typographia Reverendae Camerae Apostolicae.

(III)



CLEMENS EPISCOPUS

SERVUS SERVORUM DEI

Ad perpetuam rei memoriam.



LURIMAS inter & maximas, quas Ecclesiae Dei
Tridentina Synodus attulit afferetque deinceps
utilitates, non postremo utique loco habenda
est, quae ex Seminariorum institutione perci-
pitur: Ibi etenim lubrica aetas, atque ad vo-
luptates saeculi consecandas proclivis, a blan-
dis arcetur vitiorum illecebris, & religione ac
bonis artibus informatur, ut postquam juvenes in sortem Domi-
ni vocati in iis satis profecerint, & morum castimoniae doctrinae-
que specimen praebuerint, alii aliò translati, in suo quisque mu-
nere, Ecclesiis, quibus fuerint addicti, ad Dei gloriam & po-
pulorum spiritualem salutem inserviant. Itaque praedicta Syno-
dus, cum ad eorundem Seminariorum erectionem omnino ani-
mum adjecisset, mirandum non est, quod in eam rem ecclesia-
sticos redditus aliqua ex parte converterit. Quod quidem &
Nos reputantes atque in votis summopere habentes, quemadmo-
dum aliàs, juxta exhibitas Nobis preces, nostra usi auctoritate
eorum institutioni & dotis augmento consulere non praetermissi-
mus; ita nunc in satis amplo territorio, ad optimae spei adole-
scentes literis ac pietate informandos, quandoquidem Seminario

carent, faciendum duximus, ut iisdem de alio quodam æque opportuno subsidio prospiceremus.

Sane a dilectis filiis Capitulo & Canonicis basilicæ principis Apostolorum de Urbe Nobis nuper expositum fuit, quod inter ceteras ipsis eorumque capitulari mensæ apostolica auctoritate, perpetuo annexas, Abbatia etiam enumeratur sancti Rufilli oppidi Foripompilii Nullius diocesis provinciæ Ravennaten., in qua ipsi ejusque territorio Ordinariam quasi episcopalem supra clorum & populum exercent jurisdictionem. Quamvis autem Capitulum & Canonici prædicti spiritualibus omnium indigentis per idoneos ecclesiæ ministros quovis tempore consulere curaverint, nihilominus deficiente presbyterorum copia, eorum præsertim, qui ad excipiendas sacramentales Christifidelium Confessiones, & ad apostolica ministeria satis idonei sint, vix unquam adepti sunt, quod tantopere optabant.

Ut igitur Clerus eam, qua præditus esse debet, scientiam addiscat, cum de Seminario erigendo ob ingentes sumptus cogitari nequeat, satis illi consultum fore arbitrati sunt, si adolescentibus clericali militiæ adscribendis subsidia non deessent, quibus in propinquis atque ecclesiastica disciplina præstantioribus Seminariis educarentur, Nobis propterea humiliter supplicarunt, ut super Mensæ illius Abbatialis, quamvis illa in actu annexionis a Pio PP. IV. prædecessore nostro a quavis Impositione immunis reddita fuerit, atque omnium Beneficiorum, etiam quibus cura imminet animarum, & honorum ecclesiasticorum in ejusdem Abbatia territorio existentium, fructibus, juxta Concilii Tridentini, & Romani Anno Jubilæi MDCCXXV. celebrati, ac litterarum felicitis record. Benedicti PP. XIII. prædecessoris nostri incipientium = *Credita* =, dispositiones, annuam Taxam imponere; necnon in ipsius Taxæ supplementum tria infra scripta perpetua simplicia & personalem residentiam non requirentia Beneficia ecclesiastica, in territorio ejusdem Abbatia fundata, quorum collatio provisio & omnimoda alia dispositio, juxta litteras recol. mem. Pii PP. IV. prædecessoris nostri, personis idoneis, ad instar Beneficiorum ecclesiasticorum, Beneficiatum & Clericatum nuncupatorum in dicta basilica existentium, ad pro tempore existentes ipsius basilicæ Archipresbyterum ac Capitulum & Ca-

nonicos, turno conferendi inter Archipresbyterum pro una, ac Capitulum & Canonicos prædictos pro altera vicibus, per hebdomadas diviso spectat & pertinet; Unum videlicet sancti Josephi in ecclesia sancti Rufilli Foripompilii, modo per obitum quondam Matthæi Sendi ultimi illius possessoris vacans, tunc in turno conferendi existente venerabile fratre Nostro Henrico Benedicto Maria Clemente episcopo Tusculano Sanctæ Romanæ Ecclesiæ Cardinali Duce Eboracense nuncupato ipsius basilicæ Archipresbytero, qui, eo quo flagrat singulari zelo, Capituli & Canonicorum votis obsecundans, a dicti Beneficii collatione se abstinuit: alterum vero sub invocatione seu ad altare sancti Jacobi de Mondanuncupatum, quod dilectus filius Petrus Antonius Tioli presbyter cappellanus secretus & familiaris noster: tertium demum sub titulo sancti Jacobi de Tombis, quod dilectus etiam filius Laurentius Brandi clericus seu presbyter respective obtinent, ut infra, suppressere, quæque ad fidelem proventuum administrationem, necnon alumnorum delectum, eorumdemque progressum in litteris ac pietate maxime opportuna viderentur, constituere dignaremur.

Nos igitur, qui ideirco in hac Sede divinitus locati sumus, ut ex ea, quadam veluti specula, fidelibus quidem omnibus, sed iis maxime pastoralis nostræ sollicitudinis curam impenderemus, qui a Deo vocantur, ut sint presbyteri in populo Dei, a quibus pendet anima illorum: propterea, Capituli & Canonicorum prædictorum studium magnopere collaudantes, iisdem libenter concedimus, quinimmo expresse præcipimus & mandamus, ut ipsi, per eorum Vicarium in territorio Abbatia Foripompilii in spiritualibus generalem, cum consilio duorum ex Collegiata Ecclesiæ sancti Rufilli Canonicis, & aliorum duorum de Clero oppidi Meldulæ, ex fructibus integris mensæ abbatialis & parochialium ecclesiarum, necnon Beneficiorum quorumcumque, etiam quorumvis Ordinum & Militiarum, etiam Hospitalium, Regularium, etiam si juris patronatus cujuscumque fuerint, & illa per quoslibet etiam venerabiles fratres nostros S. R. E. Cardinales, necnon etiam nostros & pro tempore existentis Romani Pontificis familiares, & Camera nostræ apostolicæ Clericos, Ministros, & Officiales quoscumque, præsentis & futuros, modo obtineantur,

(VI)

& in posterum obtenta fuerint ; necnon aliis fructibus in dicta synodi decreto , & enunciata Constitutione Benedicti prædecessoris prædicti contentis , Taxam juxta ejusdem Constitutionis formam , personæ ut infra deputandæ annuatim libere persolvendam , absque nova nostra & Sedis Apostolicæ licentia & approbatione , ad infra scriptum effectum tantum , auctoritate nostra , perpetuis futuris temporibus imponant & præfigant .

Quoniam vero Taxæ hujusmodi impositio ut præfertur faciendæ , impar erit ad plures alendos alumnos , eorum sustentationi quantum in Domino possumus consulere volentes , primodictum ut præfertur vacans , cujus LX. ex nunc ; secundovero & tertiodicta Beneficia , quorum cujuslibet XXIV. ducatorum auri de camera respectively fructus redditus & proventus , secundum communem æstimationem , valorem annum ut accepimus non exceduat , ex nunc prout ex tunc , & cum primum illa per cessum , etiam ex causa permutationis , etiam in nostris & Romani Pontificis pro tempore existentis manibus faciendæ , vel decessum seu privationem aut dimissionem vel amissionem dictorum Petri Antonii & Laurentii , aut aliàs quovis modo apud Sedem Apostolicam , etiam ex quocumque decreto vacationis , seu cessationis juris , vel in aliquo ex mensibus Nobis & Romano Pontifici pro tempore , existenti Sedique Apostolicæ prædictæ , per Constitutiones Apostolicas , seu Cancellariæ Apostolicæ Regulas editas vel edendas , vel aliàs quomodolibet reservatis , seu Ordinariis collatoribus per easdem Apostolicas Constitutiones , aut Cancellariæ prædictæ Regulas , aut alia privilegia & indulta concessa hæctenus & in posterum concedenda comperentia , vacare contigerit ; etiamsi actu nunc ut præfertur , aut aliàs quovis modo , quam etiamsi quævis ex illo generalis reservatio quamvis in corpore juris clausa resultet , præsentibus haberi volumus pro expresso ; etiamsi Petrus Antonius & forsan Laurentius , noster aut Romani Pontificis pro tempore existentis , seu cujusvis S. R. E. Cardinalis familiares , continui commensales , seu Romanæ Curie Officiales , vel aliàs quamcumque reservationem seu affectionem quomodolibet inducentes extiterint ; aut assequutionem aliorum Beneficiorum eis quavis auctoritate collatorum , vacent ; etiamsi tanto tempore vacaverint ; quod eorum collatio , juxta Lateranen. statuta Concilii ad Sedem

Apo-

(VII)

Apostolicam legitime devoluta , ipsaque Beneficia dispositioni Apostolicæ specialiter vel generaliter reservata existant , & super eis inter aliquos lis , cujus statum præsentibus haberi volumus pro expresso , pendeat indecisa : Illorumque titulum collativum , naturam , & essentiam , itaut , quoad primodictum ex nunc , quo vero ad secundo & tertio dicta Beneficia , ex nunc prout ex tunc , & cum primum ut præfertur vacaverint , collativa esse desinant , & uti talia in titulum collativum conferri non possint , Apostolica auctoritate ipsarum tenore præsentium perpetuo supprimimus , & extinguimus ; Ita quod liceat personæ a Capitulo & Canonicis dictæ Basilicæ ut infra deputandæ , quoad primodictum ex nunc , quo vero ad secundo & tertio dicta Beneficia , cum primum ut præfertur vacaverint , corporalem realem & actualem omnium & singulorum dictorum Beneficiorum , honorum & annexorum , juriumque & pertinentiarum prædictorum , propria auctoritate libere apprehendere , & apprehensam perpetuo retinere ; fructus autem redditus , & proventus Beneficiorum , ut præfertur suppressorum , percipere , exigere , levare , ac in infra scriptum usum convertere , supportatis tamen omnibus & singulis Beneficiorum prædictorum oneribus .

Porro , cum ex proventu Taxæ super Abbatialis Mensæ & Beneficiorum omnium ac bonorum in dicto territorio existentium fructibus imponendæ , atque ex primodicti , & subinde ex secundo , & tertiodictorum Beneficiorum ut præfertur suppressorum bonis , is adolescentium numerus , quem reddituum quantitas feret , in Seminariis ecclesiasticis alicujus civitatis illarum partium educari & erudiri debeat ; iisdem Capitulo & Canonicis præsentibus injungimus , ut proventus hujusmodi in sustentationem adolescentium integre & non in alios usus convertant , & absument , proptereaque aliquam ecclesiasticam personam in administratorem bonorum & exactorem Taxæ deputent . Ille quoque alimenta Seminariis , in quibus juvenes degent , persolvat , atque onera etiam Missarum , & alia si quæ essent , Beneficia ut præfertur suppressa aliàs obtinentibus , incumbentia adimplere curabit . Verum annis singulis pro tempore illic existenti Vicario Capituli & Canonicorum prædictorum in spiritualibus generali , cum interventu eorundem duorum Canonicorum , & aliorum duorum

rum

rum de Clero, integram exactamque rationem reddere debeat & teneatur, atque de oeconomico statu totius administrationis, etiam annis singulis, Capitulum & Canonici prædicti reddantur instructi.

Quo vero ad numerum adolescentium, Seminariorum selectionem, ac tempus permanſionis in iis, & quidquid ad totius rei directionem visum fuerit opportunum, demandandi, plenam dictis Capitulo & Canonicis pro tempore existentibus tribuimus facultatem: statuentes nihilominus, quod electio futurorum alumnorum, prævio examine coram Vicario prædicto faciendo, expleatur; quodque ipsi alumni ad presbyteratum temporibus debitis se promoveri facere, idoneamque cautionem reddendi alimenterum sumptus, in eventum quod ad laicalia vota aspirarent, aut vilibus ministeriis addicerentur, præstare debeant, & teneantur.

Cæterum eorundem Capituli & Canonicorum, necnon, ut major adolescentium numerus omni tempore in dictis Seminariis ali queat, ipsos Capitulum & Canonicos, & administratorem ab eis deputandum, bonaque Beneficiorum ut præfertur suppressorum, a quavis solutione & contributione dimidiæ Annatæ, & Quindenniorum, & aliorum quorumcumque jurium, Collegiis Officialium de Annatis participantium, & Camera nostra Apostolicæ, ratione Beneficiorum suppressionis, eorumque fructuum reddituum & proventuum applicationis, quomodocumque debitorum, deinceps & in perpetuum etiam tenore præsentium liberamus, absolvimus, & eximimus, ac liberatos, exemptos, & immunes esse, neque ad aliquam solutionem Annatæ seu Quindenniorum propterea faciendam, teneri, aut obligatos existere.

Ipsas quoque præsentis literas ullo umquam tempore, & ex quavis causa quantumvis juridica & legitima, de subreptionis vel obreptionis aut nullitatis vitio, seu intentionis nostræ, vel quopiam alio defectu notari, impugnari, annullari, invalidari, in jus vel controversiam revocari, aut adversus eas quodcumque juris vel facti aut gratiæ remedium impetrari posse, nec sub quibusvis similibus vel dissimilibus gratiarum revocationibus suspensionibus limitationibus derogationibus aut aliis dispositionibus, etiam per Nos & successores nostros Romanos Pontifices pro tempore existentes & Sedem Apostolicam, sub quibusvis tenoribus & formis,

mis, ac cum quibusvis clausulis & decretis, pro tempore factis & concessis, ac faciendis & concedendis, comprehendendi, sed semper ab illis exceptas esse & fore, suosque plenarios & integros effectus sortiri & obtinere, ac ab omnibus & singulis, ad quos nunc spectat & pro tempore spectabit, firmiter & inviolabiliter observari; sicque & non aliàs per quoscumque Judices ordinarios vel delegatos, quavis auctoritate fungentes, etiam causarum Palatii Apostolici Auditores, ac Sanctæ Romanæ Ecclesiæ Cardinales, etiam de latere Legatos, vel Vicelegatos, sublata eis & eorum cuilibet quavis aliter judicandi & interpretandi facultate & auctoritate, judicari & definiri debere, irritumque & inane, si secus super his a quoquam quavis auctoritate scienter vel ignoranter contigerit attentari, respectivè decernimus.

Non obstantibus Lateranen. Concilii, suppressiones perpetuas, nisi in casibus a Jure præfixis fieri prohibentis, & dicti Pii prædecessoris, aliisque Apostolicis, nostrisque & Cancellariæ Apostolicæ Regulis de jure quæsito non tollendo, & de exprimendo vero annuo valore in suppressionibus, ac de causis committendis ad partes, vocatis quorum interest, privilegiis quoque, indultis, & literis Apostolicis in contrarium præmissorum quibusvis concessis, quibus omnibus & singulis, etiam si pro eorum sufficienti derogatione de illis eorumque totis tenoribus specialis specifica, expressa & individua, ac de verbo ad verbum, non autem per clausulas generales idem importantes, mentio seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata, inserti forent, eisdem præsentibus pro plene & sufficienter expressis & insertis habentes, illis aliàs in suo robore permanſuris, ad præmissorum effectum latissime & plenissime hac vice dumtaxat derogamus, & derogatum esse volumus, ceterisque contrariis quibuscumque.

Volumus autem, quod dicti Petrus Antonius & Laurentius, in præjudicium suppressionis hujusmodi, secundo & tertio dicta Beneficia in manibus nostris seu Romani Pontificis pro tempore existentis, vel cujusvis alterius, seu etiam coram notario publico & testibus, vel aliàs quomodolibet in cujuscumque personæ favorem, etiam ex causa permutationis, resignare vel cum ali-

quo desuper concordare nequeant; quodque resignationes, aut concordia hujusmodi si fiant, in suppressionis hujusmodi, & in præmissorum, non tamen aliorum favorem, factæ sint, & esse censeantur.

Nulli ergo omnino hominum liceat hanc paginam nostri præcepti, mandati, suppressionis, extinctionis, facultatum, concessionis, statuti, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri, & Pauli Apostolorum ejus se noverit incursum.

Datum Romæ apud sanctam Mariam Majorem anno Incarnationis dominicæ millesimo septingentesimo sexagesimo septimo Kalendis Octobris Pontificatus nostri anno decimo.

C. Card. Pro-Datarius. Pro D. Card. Nigrono.

Jo: Petrus Galavotti Substit.

V I S A

De Curia J. Manassei.

L. Eugenius.

Loco ✕ Plumbi.

Registrata in Secretaria Brevium.

Instituto Campana Osimo ®

L. num: 37

Costituz: di Clemente XIII in ordine
al mantenim: in Sem: di alcuni
Manni di Forlinozoli &

Istituto Campana Osimo ®

Il. 2. h